



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

Elogium II. Relatum ab Eminentissimis DD. Cardinalibus de Torretz, &
Ioanne Baptista Detti sacræ Rituum congregationi, in literis
remissorialibus conceßis in ordine ad Canonizationem Venerab. P.F. ...

urn:nbn:de:hbz:466:1-37873

ELOGIVM I.

Sanctæ Virginis & Matris nostræ Theresiæ, decerptum ex Epistola, quam scripsit V. M. Anna de Iesu Priorissæ Conuentus oppidi Veas, cum illa exoptulanti, de penuria Directoris spiritualis cui anima sua sinus aperiret.

Aceta mihi fait Filia, querimonia tua, videns quam immerito conquereris, quandoquidem inibi habes meum P. Fr. Ioannem à Cruce, hominem plane cœlestem, atque diuinum. Equidem dico tibi Filia mea, quod post eius abhinc ad vos discessum, neminem illi similem reperi in toto Regno Castellæ, qui tantum animabus feruorem addat in via cœlesti. Vix credi potest, quam ob illius absentiam solitudinem patiar. Animaduertite magnum vos ibi habere thesaurum in isto S. Viro. Omnes istius Monasterij Moniales agant, & cum ipso animarum suarum negotia conferant, & sic liquido cernent quantum profectum in spiritu, & perfectione inde accipient. Contulit quippe illi Dominus ad dirigendas animas, donum & gratiam singularem. Eadem adhuc viuens, dicere solebat P. Fr. Ioannem à Cruce annumerandum esse inter puriores, & sanctitate eminentiores animas, quas Deus haberet in Ecclesia sua, cuique ipsius D. Maiestas ingentes lucis, & cœlestis sapientie thesauros infudisset. *Gratias in super agens Deo, quod tandem intra propria Religionis latus reperisset, quod foris non inuenerat, lapidè dicere consueuerat.* Hinc, inde lumen inquirendo discuro, & ecce in meo paruulo Seneca totum simul reperio. *Sic enim illum compellat, propter eximia sapientia thesaurum reconditum corpore tam exiguo*

ELOGIVM II.

Relatum ab Eminentissimis DD. Cardinalibus de Torretz, & Ioanne Baptista Detti sacra Rituum congregationi, in literis remissorialibus concessis in ordine ad Canonizationem Venerab. P. F. Ioannis à Cruce &c.

Libros de Mystica Theologia (qui per diuersa Regna circumferuntur scripti) cœlesti eruditione fœcundos, sublimi adeo, & admirabili stylo conscripsit; vt talem scientiam diuinitus reuelatam esse, non humano
††† acqui-

B.
Ioannis
à Cruce

Opera
Mystica
NVI
129

ac quificam ingenio existiment omnes, quorum lectio aduersas à falsis illuminationibus, discernendas; animasque in perfectionis via roborandas perutilis comprobatur. Vnde Doctrinæ S. Dionysij Areopagitæ à legentibus comparata est.

ELOGIVM III.

Adm. R. di. P. Ioannis de Vicunna Rectoris Collegij Societatis Iesu Vbetæ,

Relatum in informationibus in ea ciuitate confectis pro Canonizatione V. P.

Pures audiui personas de profunda humilitate, rigida pœnitentia, ac sublimissima oratione V. P. F. Ioannis à Cruce, cum singulari æstimatione loquentes; atque ex his quæ ex ipsius scriptis legi, coniugio S. hunc virum simul copulasse austeram valde pœnitentiam extrinsecam, cum præcipua quadam abnegatione & pœnitentia interna, ardentique charitate & amore erga Deum, similem S. Francisco: multa enim sciui de pœnitentijs prædicti S. P. F. Ioannis à Cruce, nec non de amore quo se rebatur in Deum, quod etiam ex ipsius scriptis comprobatur: suauitas quippe, & affectus, quos illa præ se ferunt, & spirant, indicant manifeste, eum de illis loqui per experimẽtalem scientiam, quod quæ nuditate illam omnium consolationum, Deique intimam amorem in se ipso experiretur, (prouer legenti constabit) nam ex sola illorum lectione incalescit anima, quod est argumentum ingentis amoris, & charitatis, quam ipsius anima erga Deum habebat. perlegi ego semel, ac sæpius scripta omnia huius sancti viri, quorum doctrinam, Mysticam Theologiam, cœlesti sapientia plenam existimo, & clare denotant, sublimem, ac eminentem lucem, qua ipsorum Author præditus erat in anima, quam quæ Deo tenaciter esset vnita: ea siquidem, quæ inibi referat, clarissime hoc ostendunt. & quamuis non paucos Authores, qui de Mystica Theologia scripserunt, euoluerim; nullam nihilominus doctrinam solidiorem, neque sublimiorem inuenisse videor hac, quam V. ac S. P. F. Ioannes à Cruce cõscripsit: è cuius lectione legentium animæ in via spiritali copiosum lumen experiuntur, & quãuis ego hæcenus parũ profecerim, fateor nihilominus me hoc experiri, quoties illa lego: tum etiam calorem vehementem sentio, qui ad Dei me amorem incitat; ideoque illa æstimo ac veneror; eisque tum in meam, tum aliarum animarum, quibuscum ago vtilitatem vtor; atque in hunc finem ea mihi transcribi curauim. Inter alia verò ipsius P. scripta huius idiomatis ac sapientiæ cœlestis, peruenit ad manus meas originalis descriptio Monticuli ipsius sancti caractere delineati; in quo describit modum quo anima ad perfectionem ascendit. Quem plurimi feci, tum quia ipsius sancti copia originalis sit, tum etiam propter excellentem, quam in se continet doctrinam spiritus, Quem D. D. Theresiæ de Zuniga Ducissæ de Arcos,

128.